

書名

# 卷一百一十

杜氏通典二百卷 嘉靖十八年西樵方獻夫刊本

撰者 唐 杜佑 撰, 明 王德益、吳鵬 同校

卷 卷一百一十

內容分類 史·政書·歷代通制

索書號 貴重-17

編號 B3510400



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿  
少卿附

太常卿 丞奉禮郎主簿  
博士  
太祝  
兩京郊社署

太樂署  
鼓吹署  
太醫署  
太公廟等署

光祿卿 丞良醞署主簿  
掌醢署  
太官署  
珍羞署

衛尉卿 丞守宮署主簿  
武庫署  
武器署  
左右都候

宗正卿 丞諸陵署主簿  
崇玄署

太僕卿 丞典牧署主簿  
乘黃署  
諸牧監  
典廄署

大理卿 正司直丞評事監  
獄丞

言卿附 少卿

杜氏通典卷第一百一十

禮七十

吉二 筭類五  
大唐開元禮五

皇帝季秋大享于明堂

陳設

省牲器

變駕出官

進熟

奠玉帛

皇帝立春祀青帝於東郊

齋戒

陳設

省牲器

變駕出官

奠玉帛

進熟

皇帝臘日禘百神於南郊

齋戒

陳設

變駕出官

奠玉帛

進熟

變駕還官

皇帝季秋大享于明堂

攝事附

將祀有司卜日如別儀前祀七日戒誓百官皇帝散齋致齋並如圓丘儀

祀官齋戒同

陳設

前祀三日尚舍直長施大次於明堂東之外道北上舍奉御鋪御座守官設文武侍臣次於大次之後文官在左武官在右俱相向諸祀官次於璧水東門之外道南從祀官文武官九品以上於祀官之東東方南方蕃客又於其東俱重行每等異位北向西上介公鄩公於璧水西門之外道南武官九品已上於介公鄩公西西方北方蕃客又於其西俱重行每等異

位北向東上

獲聖侯於文官三品之下若有諸州使人分方各於文官之後惟攝事無大次

已下儀守宮設祀官公卿已下次於璧水東門外道南北向西上設陳饌幔於璧水

東門之內道北南向前祀二日太樂令設宮懸之樂

於明堂前庭如圓丘之儀右校清掃明堂內官郊社

令積柴於燎壇

其壇於樂懸之南

方一丈高丈二尺闊上南

出戶方六尺前祀一日奉禮設御位於堂之東南西

向設祀官公卿位於東門之內道南

攝事設祀官公卿位於明堂東

南執事者位於公卿之後近南每等異位俱重行西

面北上設御史位於堂下一位在東南西向一位在

西南東向令史各陪其後設奉禮位於樂懸東贊者

二人南差退俱西向設協律郎位於堂上午陞之東

西向設太樂令位於北懸之間攝則於此下便設聖

向無太祝已下至太祝奉玉帛位於柴壇之南皆北

向設從事文官九品已上於執事之南東方南方蕃

客又於其南俱每等異位重行西面北上介公鄒公

位於西門之內道南武官九品已上於介公鄒公之

後西方北方蕃客於武官之南俱每等異位重行東

面北上其襲聖侯於文武三品之下若有又設祀官

及從祀群官等門外位於東門外道南皆如設次之

式設牲牷於東門之外當門西向南上牲數如雩祀

之儀設酒罇之位明堂上之下昊天上帝太罇二著

罇二犧罇二山壘二在室內神座之左象罇二壺罇

二山壘二在堂下東南西向配帝著罇二犧罇二象

罇二壘二在堂下神座之左五方帝各大罇二著罇

二犧罇二壘二各於室內神座之內左向五帝各著

罇二在堂上各於神座之左俱內向五官各象罇二

在階下皆於神座之左俱右向堂上之罇皆於階

加勺幕設設御洗於東階東南攝事設亞獻之洗又

於東南俱北向壘在洗東甃在洗西南面甃實以設

五官壘洗甃各於酒罇之左俱右向其執罇壘甃

纂者各於其後各設玉幣之甃於堂之上下罇壘之

間祀日未明五刻太史令郊社令升設昊天上帝神

座於明堂大室之內中央南向席以稿藉設虞宗太



聖真皇帝神座於上帝之東南西向席以莞設青帝於木室西向赤帝於火室北向黃帝於太室南戶之西北向白帝於金室東向黑帝於水室南向席皆以藁結設太皇入炎帝軒轅少昊顓頊之座各於五方帝之左俱內向差退若非明堂五室皆如禮設五官座於明堂之庭各依其方俱內向席皆以莞設神位各於座右

省牲噐 如別儀

變駕出宮 如圓丘儀

奠玉帛

祀日未明三刻諸祀官各服其服設罇壘玉帛升行

掃除門外位儀舞入就位皇帝出官行之次群官入

就位近侍臣陪從儀並同圓丘攝亦如圓丘攝事皇帝至版

位西向立每位立定太常卿與博士退立於左太常卿前奏稱請再拜

退復位皇帝再拜奉禮曰衆官再拜衆官在位者皆

再拜謁者引諸獻官俱詣東陛升堂立於罇所太祝

與諸獻官皆跪取玉幣於籠立於東南隅東向北上

五方帝五配帝太祝立於西南隅東向北上五方帝

五官諸太祝及獻官又取幣於籠立於罇所太常卿

引皇帝太和之樂作皇帝每行皆振太和之樂皇帝升自南陛侍

中中書令已下及左右侍衛量人從升已下皆如之

太尉升南陛奠玉帛皇帝升堂北面立樂止太祝加玉幣以授

侍中侍中奉玉帛西向進皇帝搢鎮圭受玉帛凡受物皆

搢鎮圭與訖執珪俛伏與登歌作肅和之樂以太呂之均太常卿

引皇帝進北向跪奠於昊天上帝神座俛伏與太常

卿引皇帝立於南方北面五方帝之前太祝奉玉帛

各奠於神座還罇所皇帝再拜訖太祝又以配帝之

幣授侍中攝事皆謁者贊授太尉上下皆然侍中奏幣西向進皇帝

授幣太常卿引皇帝進西面跪奠於睿宗太聖真皇

帝神座前俛伏與太常卿引皇帝立於東方西向五

帝之獻官各奠幣於神座各還五官之祝次奠幣神

座各還罇所皇帝再拜訖登歌止太常卿引皇帝樂

作皇帝降自南陛還版位西向立樂止初群官拜訖

祝史皆奉毛血之豆立於堂下於登歌止祝史奉毛

血各由其階升諸太祝迎取於堂上俱進奠於神座

諸太祝與祝史退立於罇所

進熟

皇帝既升奠玉帛其受饌盥洗罇爵一如圓丘之儀

攝則太尉既升奠太常卿引皇帝立於南方北向太祝一人

持版進於皇帝之右西面跪讀祝文曰維某年歲次

某月朔日子嗣天子臣某敢昭告于攝事天子臣某謹遣太尉封

臣名敢昭告于昊天上帝惟神覆幬群生甄陶庶類不言而

信普博無私謹擇元辰祗率恒禮敬以玉帛犧齋粢

盛庶品肅恭禋祀式展誠敬皇考睿宗太聖真皇帝



配神作主尚饗訖興皇帝再拜初讀祝文訖樂作太  
祝進奠版於天帝神座還罇所皇帝拜訖樂止太常  
卿引皇帝詣配帝酒罇所執罇者舉幕侍中取爵於  
坵進引皇帝受爵侍中贊酌汎齊訖樂作太常卿引  
皇帝進睿宗太聖真皇帝座前西向跪奠爵俛伏興  
太常卿引皇帝立於東方西向謁者五人引五方帝  
之太祝詣壘洗盥手俱取匏爵於坵酌汎齊各進奠  
於神座前還罇所樂止配帝太祝一人持版進於皇  
帝之左北向跪讀祝文曰維某年歲次月朔日孝子  
開元神武皇帝臣某敢昭告于皇考睿宗太聖真皇  
帝祗率舊章肅恭恒禮敬致禋祀于昊天上帝惟皇



考德光宇宙道叶乾元申錫無疆實膺嚴配謹以制  
幣犧齋粢盛庶品肅恭明薦侑神作主尚饗訖興皇  
帝再拜初讀祝文訖樂作太祝進奠版於神座前還  
罇所皇帝拜訖樂止太常卿引皇帝南方北向立樂  
作其飲福還宮並如圓丘儀攝事亦同

皇帝立春祀青帝於東

即立夏祀赤帝南郊  
交季夏土旺日祀黃

齋戒

攝事祀官齋  
戒如圓丘儀

帝於南郊立秋祀白帝於西郊立冬祀  
黑帝於北郊及攝事並附

前祀七日平明太尉誓百官於尚書省曰某月某日  
祀青帝於東郊各揚其職不供其事國有常刑皇帝  
散齋四日致齋三日如圓丘郊

陳設

前祀二日尚舍直長施大次於外壇東門之內道北

南向尚舍奉御鋪御座攝事則衛尉設祀官公卿

尉設陳饌幔於內壇東門之外道南北向設文武侍

臣次又設祀官及從祀群官諸州使蕃客等次前祀

二日太樂令設宮懸之樂於壇南壇之內設歌鍾歌

磬於壇上各如圓丘之儀右校掃除壇之內外交社

令積柴於燎壇其壇於樂懸之南外壇之內攝方一

丈高丈二尺開上南出戶方六尺前祀一日奉禮設

御位在壇之東南西向攝事則設祀官公卿位於內

道南每等異位重設望燎位於柴壇之北南向設祀

官公卿位於內壇東門之外道南分獻之官於公卿

之南執事位於其後設祀官及從事群官位及門外

等位一如圓丘攝事則御史設牲版於東壇之外當

門西配帝持版少退南上設廩犧令位於牲西南御

史陪其後俱北向設諸太祝位於牲東各當牲後祀

史陪其後俱西向設太常卿省牲位於牲前近北南

向設青帝夏赤帝季夏黃帝酒罇於壇之上下太罇

二著罇二犧罇二壘二在壇上東南隅北向象罇二

壘罇二山壘二在壇下皆於南陛之東北向西上設

配帝著罇二犧罇二象罇二壘二在壇上於青帝酒

罇之東北向西上歲星三辰勾芒氏夏祝融季夏后



真已下俱象罇二各設於神座之左皆向右七宿壺  
於此二設於神座之右而左向上帝配帝之罇置於右  
罇二設於神座之右而左向星辰以下罇藉以席皆  
如勺幕設御洗於壇南陞東南亞獻之洗又於東  
爵於罇下設御洗於壇南陞東南亞獻之洗又於東  
西俱北向壘水在洗東篚在洗西南肆巾爵實以設星  
辰以下壘洗篚各於其方陞道之左俱內向執罇篚  
幕者各於其後又設玉幣之篚於壇上下罇拈之所  
祀日未明五刻太史郊社令設青帝靈威仰神位赤  
赤燿怒黃帝含樞紐白於壇上北方南向席以藁和  
帝白招拒黑帝叶光紀於壇上北方南向席以藁和  
設帝太昊氏神座夏神農季夏軒轅秋則於東方西  
向席以莞設歲星三辰之座於壇之東北七宿之座  
於壇之西北各於其壇南向相對為首設勾芒氏之

座於壇之東面西向席皆莞設神座各於座首

省牲器 如別儀

饗駕出宮 如圓丘儀

奠玉帛

祀日未明三刻諸祀官各服其服郊社令良醞令各  
率其屬入實罇壘玉幣又大罇之次大罇為上實以  
罇次之實以蓋齊象罇次之實以醴齊象罇次之實  
以凡齊山壘下實以清酒配帝著罇為上實以凡齊  
儀罇次之實以醴齊象罇次之實以蓋齊其歲星三  
辰勾芒氏之象罇俱實以醴齊七宿之壺罇俱實以  
凡齊玄酒各實於五齊之上罇禮神之玉東方以青  
珪南方以赤璋中央以黃琮西方以駟虞北方以玄  
黃其幣各隨方太官令帥進饌者實豆簋簋入設於  
色長丈八尺內壝東門之外饌幔內未明三刻奉禮帥贊者先入

就位贊引御史博士諸太祝及令史祝史與執罇壘  
篚纂者入自東壝門當壇南重行北面西上立定奉  
禮曰再拜贊者承傳御史以下皆再拜訖執罇壘篚  
纂者各就位贊引引御史博士諸太祝詣卿陛升行  
掃除於上令史祝文行掃除於下訖引就位車駕將  
至謁者贊引引祝官通事舍人分引從祀群官諸方  
客使先至者各就門外位駕至大次門外迴轅南向  
將軍降立於轅右侍中進當轡駕前跪奏稱侍中臣  
某言請降輅俛伏興還侍位皇帝降輅之大次通事  
舍人各引文武九品已上從祀壇外位攝則無車駕  
將至下至壇  
外位太樂令帥工人二舞次入就位文武入陳於懸

內武舞立於懸南道西謁者引司空入陳掃除訖出

復位如常儀皇帝停大次半刻頃通事舍人贊引各

引從祀群官介公卿公諸方客使先入就位太常博

士引太常卿立於大次門當門北向侍中版奏外辨

攝則初司空入謁者引祀官贊引執事俱就門外位  
司空掃除訖各引入就位贊再拜謁者進太尉之左

白有司謹具請行事無皇帝傳  
大次下至太常卿奏謹具儀皇帝服大裘而冕夏

出次華蓋侍衛如常儀博士引太常卿太常卿引

皇帝凡太常卿前導  
皆博士先引至內壝外殿中監進大理尚衣

奉御又以鎮珪授殿中監殿中監受進皇帝搢大珪

執鎮珪華蓋仗衛停於門近侍者從入如常謁者引

禮部尚書太常少卿陪從如常儀皇帝至版位西向

立每立定太常卿者贊引各引祀官次入就位立

定太常卿前奏稱再拜退復位皇帝再拜奉禮曰衆

官再拜衆官在位者皆再拜其先拜者不拜太常卿前奏有

司謹具請行事退復位協律郎跪俛伏舉麾鼓祝奏

角音夏徵音季夏官音乃以黃鍾之均文舞之舞樂

六成偃麾戛鼓樂止太常卿前奏稱請再拜退復位

皇帝再拜攝事奉禮曰衆官再拜衆官在位皆再拜

上下諸太祝俱取玉幣於籩各立於罇所其奠玉幣

及毛血並如圓丘儀攝則太尉為初獻受玉幣登歌

儀之攝事進熟

皇帝既升奠玉帛其設饌與洗奠皆如圓丘之儀攝事

如圓丘攝事太祝持版進於神座之右東向跪讀祝文曰

維某年歲次某月朔某日子嗣天子臣某攝事云嗣

某謹遣太尉封臣名敢昭告于青帝靈威仰獻春伊始時維發

生品物昭蘇式遵恒禮敬以玉帛犧齊粢盛庶品肅

恭燔祀暢茲和德帝太昊氏配神作主尚饗訖興夏

昭告于赤帝赤熛怒朱明戒序長羸馭節庶品蕃碩

用遵恒典敬以玉帛犧齊粢盛庶品恭敬禮祀肅昭

養德帝神農氏配神作主季夏云黃帝含樞紐爰茲

溽暑實惟上潤戊巳統位黃鍾在宮敬以玉帛犧齊

粢盛庶品恭修燔祀式處厚德帝軒轅氏配神作主

秋云白帝白招拒素秋伊始庶品收成祗率舊章展

其恒禮帝少昊氏配神作主冬云黑帝叶光紀玄冥

戒序庶類安寧資此積歲祗率恒典帝顓頊氏配神

作皇帝再拜初讀祝文訖樂作太祝進奠版於神座

前興還罇所皇帝拜訖樂止太常卿引皇帝詣配帝  
酒罇所執罇者舉幕侍中取爵侍中贊酌汎齊訖樂  
作太常卿引皇帝進當太昊氏神座前東向跪奠爵  
俛伏興太常卿引皇帝少退向立樂止太祝持版進  
於神座之左北面跪讀祝文曰維某年歲次某月朔  
日子開元神武皇帝臣某敢昭告于帝太昊氏爰始  
立春盛德在木用致燔燎青帝靈威仰惟帝布茲仁  
致功叶上玄謹以制幣犧齊粢盛庶品備茲明薦配  
神作主尚饗訖興夏云昭告于帝神農氏時維孟夏  
火德方融用致明禋于赤帝赤燦  
恣惟帝表功協德允斯作對謹以制幣犧齊粢盛庶  
品式陳明薦作主配神季夏云告于帝軒轅氏時維  
季夏位膺士德式奉明禋于黃帝含樞紐帝功施厚  
地道合上玄謹以云云秋云告于帝少昊氏時維立



秋金德在馭用致燔燎于白帝白招拒惟帝立德茲  
義同此神功云云冬云告于帝顓頊氏時維立冬水  
德在馭用致燔燎于黑帝叶光紀惟  
帝道合乾元允茲升配謹以云云其飲福及亞獻  
至還宮並同圓丘終獻攝事同圓

皇帝臘日禘百神於南郊攝事附

齋戒如圓丘儀從祀官及  
攝事齋戒並如前儀

陳設

前禘三日尚舍直長施大次於外壝東門之內道北  
南向尚舍奉御鋪御座攝事衛尉設祀官公卿已下  
次於東壝之外道南北向以  
西為衛校設陳饌幔於內壝東門西門之外道西向  
東方南方之饌陳於東門外西方之饌  
陳於西門外北方之饌陳於北門之外設文武侍臣  
次又設祀官及從祀群官諸州使人蕃客等次攝則  
無文

武侍臣蕃  
客等次  
前禘二日太樂令設宮懸歌鍾歌磬如圓

丘之儀右校掃除壇之內外郊社令積柴於燎壇

於神壇之外左方八尺高一丈開上南出戶三尺右校

爲瘞壇於壇之壬地內壇之外方深取足容物南出

陛前禘一日奉禮設御座及望燎位祀官從祀群州

使人蕃客等於壇門外皆如圓丘之儀

日月酒罇之位太明太罇二著罇二壘一在壇上於

東南向北向夜明太罇二著罇二壘一在壇上西南

隅北向神農氏伊耆氏各著罇二各於其壇上五星

五官后稷各象罇二七宿田畯龍麟朱鳥騶虞玄武

等各壘罇二鱗羽羸毛介等散罇二俱設於神座之

左而右向五方岳鎮海瀆俱山罇二山林澤俱壘

罇二丘陵墳衍原隰井泉墉坊郵表畷於芻菑等俱

散罇二各設於神座之右而左向

伊耆氏以上之罇置於坵星辰以下

又於東南北向壘水在洗東篚在西南肆篚實以設

分獻壘洗畢各於其方陛道之左右俱內向執壘洗

篚纂者各立於罇壘篚纂之後設玉幣之篚於壇之

上下罇坵之所脯後謁者引光祿卿詣厨視濯既又

謁者引諸祀官詣厨省饌俱訖還齋所禘日未明十

刻太樂令帥宰人以鑿刀割牲祝史以豆取毛血置

於饌所遂烹牲

日牲一月牲一其

餘方各小牢一未明五刻太史令

郊社令升設日月神座於壇上大明於北方少東夜  
明於大明之西俱南向席皆以藁秸神農伊耆神座  
各於其壇上俱內向設后稷氏神座於壇東西向設  
五官田畯之座各於其方設五星十二次二十八宿  
五官岳鎮海瀆山川林澤丘陵墳衍原隰井泉神座  
各於其方之壇其五方神獸鱗羽羸毛介水墉坊鄗  
表畷於苑猫等之座各於其方壇之後俱內向相對  
為首自神農伊耆已下百九十座席皆以莞設神位  
各於座首

鑾駕出宮 如圓丘儀

奠玉帛

禮日未明三刻諸祀官各服其服郊社令良醞令各  
帥其屬入實罇壘玉幣凡罇之次大罇為上實以醴  
齊著罇次之實以盎齊五  
伊耆實以醴齊七星之壺罇實以盎齊五  
官后稷田畯之象罇俱實以醴齊七星之壺罇實以  
凡齊五方岳鎮海瀆之山罇實以醴齊山川林澤之  
蜃罇實以汎齊五陵已下之散罇實以清酒罇實於  
諸座之上禮神之玉大明夜明以珪璧大明之幣以  
青夜明以白五官神農氏幣以赤伊耆氏幣以玄五  
星以下幣帥進饌者實諸盂豆簠簋各設於內壇之  
饌幔內其日未明二刻奠玉幣毛血等如圓丘儀皇  
帝

進熟

服玄冕出次壇上神位大明夜明鼓祝作無射夷則  
奏求和糗賓姑洗太旗奏順和黃鍾奏元和凡六均  
均一成俱以文舞攝  
等如圓丘之攝事儀

皇帝既升奠玉帛其設饌盥洗奠爵並如圓丘儀攝

亦太祝持版進於神座之左西跪讀祝文曰維某年  
 歲次月朔日子嗣天子臣某攝則云謹遣太尉封臣  
 名已下改皇帝為太尉  
 皆謂者 敢昭告于大明惟神各耀千里精烜萬物覺  
 寤黎蒸化成品彙今則定機齊運玉燭和平六府孔  
 脩百禮斯洽謹以玉幣犧齊粢盛庶品致其燔燎尚  
 饗訖興皇帝再拜初讀祝文訖樂作太祝進跪奠版  
 於神座興還罇所皇帝再拜訖樂止太常卿引皇帝  
 詣夜明罇所執罇者舉罇侍中取匏爵於坵進皇帝  
 受爵侍中贊酌醴齊訖樂作太常卿引皇帝進夜明  
 神座前北向跪奠爵俛伏興太常卿引皇帝少退北  
 向立樂止太祝持版進於神座之右東面跪讀祝文

日維某年歲次月朔日子嗣臣某敢昭告于夜明惟  
 神貞此光華恒茲盈減表斯寒暑節以運行對時育  
 物登成是賴豐年之報式備恒禮謹以制幣犧罇齊  
 粢盛庶品致其燔燎尚饗訖興皇帝再拜讀祝文訖  
 樂止太祝進跪奠版於神座興還罇所皇帝拜訖樂  
 止太常卿引皇帝少退當兩座前北向立樂作其飲  
 福受胙並如圓丘皇帝獻將畢謁者引太尉攝則謁  
 者引太  
 常卿已下常卿已下謁壘洗盥手洗匏爵訖謁者引太尉自東陞  
 升壇詣大明著罇所執罇者舉罇太尉酌盞齊武舞  
 作謁者引太尉進大明神座前北向跪奠爵興謁者  
 引太尉少退再拜謁者引太尉詣夜明罇所取匏爵

於坫執罇者舉幕太尉酌盞齊訖謁者引太尉進夜  
明神座前北向跪奠爵興謁者引太尉少退再拜謁  
者太尉少東當兩座前北向立太尉再拜受爵跪祭  
酒遂飲卒爵太祝進受爵復於坫太尉興再拜謁者  
引太尉降復位初太尉獻將畢引光祿卿攝事同以光祿卿爲  
終謁詣壘洗爵升酌盞齊終獻如亞獻升壇謁者三  
人分引獻官詣壘洗盥手洗爵酌酒一獻帝伊著氏  
一獻神農氏跪奠爵神座前俛伏興向神立太祝持  
版立於神座之右跪讀祝文訖興獻官再拜訖謁者  
引降還本位初伊著氏獻官將升謁者五人各引獻  
官詣方獻壘洗盥手爵詣酒罇酌酒一獻歲星一

獻熒惑一獻鎮星一獻太白一獻星辰各奠於神座

少退向神位於獻官奠訖七星皆祝史助奠相次俱

畢太祝各持版進於神座之右跪讀祝文訖興祝文讀

每一番獻酒從東方祝文爲始祝文讀訖次南方次西方餘神亦同也獻官再拜訖太祝

各進奠版於神座前還罇所謁者遂引五星等獻官

詣壘洗盥手洗爵各詣罇所酌酒一獻東岳一獻南

岳一獻中岳一獻西岳一獻北岳俱奠於神座少退

向神立岳鎮海瀆山川林澤丘陵墳衍原隰并泉皆

祝助奠相次俱畢太祝持版進神座之右跪讀祝文

訖興獻官再拜訖太祝奠版於神座還罇所謁者各

引獻官還本位初酌岳鎮酒贊引五人各引獻官詣



壘洗盥洗詣酒樽所酌酒一獻勾芒氏一獻祝融氏  
一獻后土氏一獻蓐收氏一獻玄冥氏后稷等各祝  
史助奠訖祝史持版進神座之右跪讀祝文訖與東方同唯無獻拜祝史奠版於神座贊引遂引五官獻  
官等詣壘洗酒樽所酌酒分獻五靈其鱗羽羸毛介  
循於菟坊水墉昆蟲等皆齋即助奠相次俱畢祝史  
持版跪讀祝文訖興拜奠版各引還本位武舞六成  
樂止舞獻俱畢上下諸祝各還徹豆還罇所徹者還  
移奉禮曰賜胙贊者唱衆官再拜衆官在位皆再拜  
肥歡福受元和之樂作太常卿前奏稱請再拜退位  
皇帝再拜奉禮曰衆官再拜在位者皆再拜樂一成

止太常卿前奏請就望燎位

攝事謂者引太常卿引

皇帝樂作皇帝就望燎位南向立樂止於群官將拜  
上下諸祝各執籥進神位座前跪取玉幣祝版齋郎  
以俎載生醴稷黍飯爵酒各由其陛降壇南行經懸  
內當柴壇東行自南陛登壇以玉幣饌物祝版置於  
柴上戶內諸祝以星辰七宿已上之禮幣皆從燎神  
農伊耆氏岳鎮已下之祝俱詣瘞壇以玉幣饌物置  
於壇訖奉禮曰可燎東西面各六人炬燎初唱可燎  
壇東西廂各四人置土火半柴太常卿前奏禮畢鞞  
謁者白太常卿引皇帝還大次樂作皇帝出中壇門  
殿中監前受鎮珪以授尚衣奉御殿中監又前受大

珪華蓋侍衛如常儀皇帝入次樂止謁者贊引祀官  
通事舍人分引從祀群官諸國客使以次出贊引引  
御史已下俱復執事位立定奉禮曰再拜御史以下  
皆再拜贊引引出工人一舞以次出其神農以下祝  
版燔於齋所

伊著氏祝文曰維某年歲次月朔日子嗣開元神武  
皇帝諱謹遣具位臣姓名敢昭告于帝伊著氏惟帝  
體仁尚義崇本念功爰創嘉祀息農饗物今九土攸  
宜百穀豐稔備茲八禘太族四方謹以制幣犧齋粢  
盛庶品明薦于帝尚饗

神農氏祝文曰維某年歲次月朔日子閏元神武皇

帝諱謹遣具位臣姓名敢昭告于帝神農氏惟帝肇  
興播植粒此黎元時和歲稔神功是賴謹以制幣犧  
齋粢盛庶品明薦于帝尚饗

東方歲星祝文曰維某年歲次月朔日子嗣天子諱  
謹遣具位臣姓名敢昭告于東方歲星七宿惟神列  
位垂象叶贊宮蒼昭晰羣生蕃阜庶類令昭時和歲  
稔恒禮是率謹陳嘉薦庶神饗之

南方中央西  
方北方准此

東方岳鎮海瀆祝文曰維某年歲次月朔日子嗣天  
子諱謹遣具位臣姓名敢昭告于東方岳鎮海瀆惟  
神宣導坤儀興降雲雨亭毒四品實賴滋液年穀順  
成用大禘謹薦嘉祀溥及一方山林川澤丘陵墳衍

原隰井泉庶神咸饗

南方西方  
北方准此

勾芒氏祝文曰維某年歲次月朔日子開元神武皇  
帝諱謹遣具位臣姓名敢昭告于勾芒氏惟神贊陽  
出滯發生品物萌者畢達仁德以宣用陳明薦神其  
臨饗

后稷氏祝文曰維某年歲次月朔日子嗣開元神武  
皇帝某謹遣具位臣姓名敢昭告于后稷氏惟神誕  
降嘉種播茲百穀蒸庶以粒乂此萬邦爰及田畷實  
勸農穡謹薦明祝庶神饗之

祝融氏祝文曰維某年歲次月朔日子嗣開元神武  
皇帝諱謹遣具位臣姓名敢昭告于祝融氏惟神典  
司火正淳耀昭明式贊南訛厥功以致豐年之薦庶  
神臨饗

后土氏祝文曰維某年歲次月朔日子嗣開元神武  
皇帝諱謹遣具位臣姓名敢昭告于后土氏惟神是  
贊黃道典司土正居中執信是興稼穡年穀既登庶  
饗嘉薦

蓐收氏祝文曰維某年歲次月朔日子嗣開元神武  
皇帝諱謹遣具位臣姓名敢昭告于蓐收氏惟神典  
司金正式贊西成執矩懷莊尚義趨力豐年之報饗  
茲嘉祀

玄冥氏祝文曰維某年歲次月朔日子嗣開元神武

皇帝謹遣具位臣姓名敢昭告于玄冥氏惟神典  
司水正贊序幽都厥務安寧積藏斯在豐年之祀庶  
饗明薦

蒼龍祝文曰維某年歲次月朔日子嗣天子謹謹遣  
具位臣姓名敢昭告于蒼龍之神唯神體備幽明質  
兼水火實為鱗長贊明造物歲稔年登寔資弭患式  
陳嘉薦五靈是屬爰泉東方鱗羽羸毛介衆族猶於  
菟坊水墉昆蟲諸神咸饗其朱鳥騶虞玄武祝文首  
尾並與此同鱗祝文發首  
同亦  
朱鳥之神惟神肇自火精冠茲羽族輔時宣化效祥  
蹈禮年和歲稔有賴厥功

麟之神惟神體信為質惟和是歸作長毛宗表靈  
玉牒年穀豐稔寔資宣助式陳嘉薦庶神溫饗

騶虞之神惟神神履至仁稟靈金宿贊育生類實參  
利物爰茲報功用率恒祀

玄武之神惟神誕稟辰精長茲介族先知稱貴誠行  
攸底伊此豐年有憑宜慶

饗駕還宮如圓丘之儀





不 許 複 製

NOT TO BE REPRODUCED

東京大学東洋文化研究所